



Naaja H. Nathanielsen (Inuit Ataqaigiit)

Inatsisartunut ilaasortaq

Namminersorlutik Oqartussat nutaamik tamakkiisumillu peqquserluttuliorneq akiorniarlugu najoqqutassiornerannut piffissalersuineq tulleriinnilersuinerlu pillugit § 37 naapertorlugu apeqqummut akissuteqaat

Asasara Naaja H. Nathanielsen

Inatsisartut suleriaasianni § 37, imm. 1 naapertorlugu apeqqutigivat Namminersorlutik Oqartussat nutaamik tamakkiisumillu peqquserluttuliorneq akiorniarlugu najoqqutassiornermut piffissalersuineq tulleriinnilersuinerlu.

Apeqqutigineqartunut marluusunut akissutikka ataani tulleriiaarlutik allassimapput.

1. Namminersorlutik Oqartussat nutaamik tamakkiisumillu peqquserluttuliorneq akiorniarlugu najoqqutassiornerat qanoq piffissalersorneqarsimava?

Namminersorlutik Oqartussani tamarmiusuni peqquserluttuliorneq akiorniarlugu najoqqutassamut nutaamut missingiut maanna suliarineqaleruttoq, 2015-imilu majip qaammataata ingerlanerani Qitiusumik allattoqarfimmi naalakkersuisoqarfinnut aqutsisoqarfinnullu tusarniaassutigineqassalluni. Tusarniaanermut akissutit annertussusaat qanorlu ittuunerat apeqqutaatillugit anguniarparput peqquserluttuliorneq akiorniarlugu najoqqutassiap 2015-ip ingerlanerani Namminersorlutik Oqartussani tamarmi atuutsinneqalernissaa.

2. Naalakkersuisoqarfiit qanoq tulleriiaarlugit tassunga ilaatinneqarniarpat? Pingaartumik aalisarnermut aamma sanaartornermut tunngasut tamatumani eqqaarssatigineruakka.

Peqquserluttuliorneq akiorniarlugu najoqqutassiap Namminersorlutik Oqartussani tamarmiusuni atuutsinneqalernissaanut tulleriiaarinissaq, tassunga ilanngullugit aalisarnermut sanaartornermullu tunngassuteqartut sulii aalajangersaavigineqanngillat, allatulli pisoqanngippat najoqqutassiaq Namminersorlutik Oqartussani tamarmiusuni aallaaviatigut ataatsikkut atuutsinneqalertussaavoq. Tusarniaassutigineqarnerata tamanna qulaajaaffigissavaa.

Inussiarnersumik inuulluaqqusillunga
Med venlig hilsen

Anda Uldum

15-04-2015
Suliap nr. 2015-110239
All. nr. 1935546

P. O. Box 1037
3900 Nuuk
Oqarasuaat +299 34 50 00
Nassitsigasuaat (+299) 34 63
50
E-mail: oed@nаноq.gl
www.naalakkersuisut.gl